



Broj: 01-04-2-406/2025

Sarajevo, 28. 11. 2025. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te člana 69. stav (3) Zakona o javnim nabavkama („Službeni glasnik BiH“, broj 39/14, 59/22 i 50/24), direktor Fonda za zaštitu okoliša Federacije BiH donosi sljedeću

O D L U K U

I

Otkazuje se postupak javne nabavke usluge revizije finansijskih izvještaja Fonda za zaštitu okoliša Federacije BiH za 2025. godinu, pokrenut putem postupka konkurentskog zahtjeva za dostavu ponuda, broj: 01-04-2-2348/2022 od 02.04.2025. godine, broj Obavještenja o nabavci 1382-7-2-11-3-19/25 od 04.04.2025. godine, procijenjene vrijednosti u iznosu od 10.000,00 KM bez uračunatog PDV-a, zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Na osnovu Rješenja Ureda za razmatranje žalbi, Filijala/Podružnica Mostar br. JN2-03-07-1-914-6/25 od 02.10.2025. godine usvojena je žalba žalitelja Uhy Revident d.o.o. Mostar i Grant Thornton d.o.o. Banja Luka, te je poništena Odluka o izboru najpovoljnijeg ponuđača br. 01-04-2-178/2025 od 27.05.2025. godine, te je predmet vraćen Ugovornom organu na ponovni postupak.

S tim u vezi, Komisija za javnu nabavku formirana Rješenjem o imenovanju komisije, broj: 01-04-2-114/2025 od 09.04.2025. godine (u daljem tekstu: Komisija) je pristupila ponovnoj evaluaciji pristiglih ponuda, te je obzirom na istek roka važenja ponuda dana 07.10.2025. godine putem e-maila uputila svim ponuđačima zahtjev za produženje perioda važenja ponuda za 30 dana računajući od dana 10.10.2025. godine.

Nakon pristiglih odgovora ponuđača, te uzimajući u obzir činjenicu da su ponuđači u svojim ponudama precizirali rokove za izvršenje revizorskih radnji u satima, te dodatno definisali rok za dostavu nacrtu revizorskog izvještaja u danima, Komisija je iz postojećeg stanja predmeta utvrdila da postoji opravdana mogućnost za razmatranjem pitanja da li se može smatrati opravdanim i zakonitim otkazivanje konkretnog postupka javne nabavke na osnovu člana 69. stav (3) Zakona u novonastalim dokazanim okolnostima kada odluka Ureda za razmatranje žalbi i vremenski rokovi propisani tenderskom dokumentacijom onemogućavaju pravovremeno zaključenje ugovora, a sve kako bi se izbjeglo donošenje odluke koja bi bila pravno neodrživa ili izložena daljnjim žalbenim postupcima.



Nadalje, u vezi sa navedenom situacijom, Agencija za javne nabavke je dana 21.11.2025. godine putem e-maila dostavila mišljenje u kojem se ističe da odredba člana 69. stav (3) Zakona predstavlja opću klauzulu egzoneracije za događaje koji se nisu mogli predvidjeti i koji su izvan kontrole ugovornog organa. U mišljenju je dodatno naglašeno da drugi dokazivi razlozi mogu opravdano prisiliti ugovorni organ da otkáže postupak dodjele ugovora prije njegovog zaključenja, te da postoje i druge situacije, iako nisu izričito pobrojane, koje mogu predstavljati pravno valjan osnov za otkazivanje postupka poput slučajeva u kojima se ugovorni organ, usljed greške ili zablude, nađe u okolnostima koje ugrožavaju svrhu javne nabavke.

S tim u vezi, Komisija je sačinila i dostavila direktoru Fonda za zaštitu okoliša Federacije BiH Preporuku za donošenje odluke o otkazivanju postupka nabavke od 27.11.2025. godine.

Uzimajući u obzir navedeno, u konkretnom postupku javne nabavke nesumnjivo je da postoje dokazani razlozi koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema ove odluke.

Fond za zaštitu okoliša
Federacije BiH

Slađan Bevanda, direktor

Prilog:

- Mišljenje Agencije za javne nabavke/nabave, filijala Mostar, broj: 04-02-1-1704-2/25 od 20.11.2025. godine

Dostaviti:

- ponuđačima (putem e-maila)
- Sektoru za finansije
- Samostalnom odjelu za opće poslove
- a/a